

Poesia

Mascaruba un cadushi firme riba su mes

Actuashon.....tentashon.....
emoshon den presentashonnan
na monton !

Ya pa 45 anja, anto inverti
den nan cu hopi amor y
dedicashon

Den un sala di Biblioteca
Nacional completamente yen
Un anochi , alegre cu e dushi
musica di Tino Ruiz riba su
mandolin

Un videoclip impreshonante,
historia a bini atrobe padilanti
Den e curazonnan cu a
forma parti di nan for di
cuminsamento

Inspirando e publico cu
joramento of cu harimento

Mi ta purba di formula un
poema, a petishon di un di nan
integrentenan

Despues cu e la bisami, cu e
ta anticipa pa lesa algo di mi

den corant

Tocante mi pensamentonan,
mi sentimentonan

Di e celebrashon e anochi aki,
un celebrashon di curazon

Ora cu Bill Tromp a acepta e
premio “Cadushi di cristal”

Ora cu su discurso a wordo
presenta cu su mesun toke
special

Cu cuidao y cu hopi delicades,
su mannan grandi a braza,
caricia y rondona

E cadushi di cristal, cu
sumpinanan amorosamente
ilumina

Sumpinanan, cu por a
representa algun di nan
contratiemponan kizas...

Pero, cu firmeza y perseverancia
a continua padilanti cu nan
obranan teatral...

Nos por a wak e cara contento

y satisfecho di Oslin “Chin”
Boekhoudt....

Nos por a wak e wowonan
lombrante di un “Luty
Martinez” satisfecho y
emocional

Varios ves nos por a tende
e number di e gran “Chido
Quillotte”


Hopi papiamento cu splicashon
y detayenan di e “Hi Lites” di
Mascaruba...

Un organisashon cu for di su
cuminsamento a aporta na nos
idioma y nos cultura....

Sea ta cu obranan original
di nos mesun hendenan of
obranan traduci....

Respet a wordo planta, hopi
conosemento, experiencia y
alegria cosecha

Merecidamente “Mascaruba”
por sigui existi y luci.....



Trabao duro nunca a spanta
nan, pero a sirbi como mas
inspirashon

Pa duna di nan talentonan,
cu creatividad y for di nan
curazon...

Awe, ketobai den nan
celebracion.....mi palabranan
di pabien den nan direccion

Pasobra, aunke nos tur ta
“actornan y actriznan” riba e
esenario “bida”

Ta bon cu tin cu ta tribi di
comparti den actuashonnan
real cu pida pa pida....

Pa inspira nos tur, cue cos
mas importante ta pa “stima”

Y ora bo usa bo talentonan
cu bo a hanja, y cu bo a

desaroya...

Bo sa cu firmeza, bo ta
madurando y bo ta sigui
aporta....

Cu sea musica, poema, arte
of obranan teatral serio of
chistoso

Bo tambe sinti den bo alma y
curazon, e goso.....

Di por hari of jora den un
actuashon, pa otronan mira y
sinti....

Algo cu tur hende ta hasi un
momento of otro....tambe den
siglonan binti.!

Autor : Ruthy”Lady Ruth”
Vrieswijk-Bergen

Aruba, September 2006